

# **Юридик шахс корпоратив пластик картасига хизмат кўрсатиши ҳақида ШАРТНОМА**

20\_\_ йил “\_\_” \_\_\_\_\_

№\_\_\_\_

\_\_\_\_\_ шахри

“Грастбанд” хусусий акциядорлик банкининг \_\_\_\_\_ филиали (кейинги ўринларда – Банк) бошқарувчisi \_\_\_\_\_ Низом ва Ишончнома асосида фаолият юритиб, бир томондан, ва юридик шахс \_\_\_\_\_ (кейинги ўринларда – Мижоз) раҳбари \_\_\_\_\_ Устав (Низом) асосида фаолият юритиб, иккинчи томондан, мазкур Шартномани қўйидагилар ҳақида туздик.

## **1-§. Шартнома предмети**

1. Мазкур Шартнома корпоратив пластик карта ёрдамида бажарилган иш, кўрсатилган хизмат ва сотиб олинган товарлар юзасидан хисоб-китобларни амалга ошириш жараёнида Банк томонидан хизмат кўрсатишида Банк ва Мижоз ўртасидаги ўзаро муносабатларни тартибга солади.

2. Мижоз, талабномада кўрсатилган ва корпоратив пластик картадан фойдаланувчи деб номланадиган, ўз ходимига корпоратив пластик картадан бажарилган иш, кўрсатилган хизмат ва сотиб олинган товар ҳақини тўлашда тўлов воситаси сифатида фойдаланиш ваколатини беради.

## **2-§. Умумий қоидалар**

3. Мазкур Шартнома корпоратив пластик карта маҳсус ҳисобвараги, корпоратив пластик карта ва ундан фойдаланувчига нисбатан қўлланилади ҳамда Банк ва Мижоз мажбуриятларини белгилайди.

4. Корпоратив пластик картани олиш учун Мижоз Банкда миллий валютада талаб килиб олингунча асосий депозит ҳисобварагига эга бўлиши керак.

5. Банк Мижоз томонидан тақдим қилинган талабномага асосан корпоратив пластик картани фақат ундан фойдаланувчи ходим номига муомалага чиқариб, уни ПИН-код ва корпоратив пластик картадан фойдаланиш қоидалари билан бирга Мижознинг ходимига тақдим қиласди.

6. Корпоратив пластик картадан фақат нақдсиз хисоб-китоблар бўйича Ўзбекистон Республикаси ҳудудида фойдаланиш мумкин.

7. Корпоратив пластик картадан иш ҳақи ва ижтимоий характердаги бошқа тўловларни, шунингдек нақд пулни тўлаш мақсадида фойдаланиш ман этилади.

8. Корпоратив пластик карта маҳсус ҳисобварагидаги маблагга фоиз ҳисобланмайди.

9. Корпоратив пластик карта маҳсус ҳисобвараги корпоратив пластик картадан фойдаланувчи Мижоз ходимининг номига бепул очилади.

10. Банк корпоратив пластик картани муомалага чиқаргани (эмиссияси) учун Мижоздан Банк тарифига асосан ҳақ ундиради.

11. Корпоратив пластик карта муомалага чиқарилишида Мижоз ушбу картадан фойдаланувчи ходимининг корпоратив пластик карта маҳсус ҳисобварагига зарур миқдорда маблағ ўтказади.

12. Корпоратив пластик картанинг ёпилиши Мижознинг ёзма аризаси асосида амалга оширилади.

13. Банкнинг тўловни қайтариш бўйича талаблари Мижоздан харажат тўланганлиги ҳақида тасдиқнома олингандан сўнг кўриб чиқилади.

14. Банк, Мижоз томонидан корпоратив пластик карта йўқотилганлиги ҳақида ёзма ариза тақдим этилган кундан бошлаб 15 (үн беш) банк иш куни ичida, Банк тарифида белгиланган миқдорда жарима тўлангандан сўнг, йўқотилган корпоратив пластик карта ўрнига бошқасини беради.

15. Корпоратив пластик карта маҳсус ҳисобварагига хизмат кўрсатиши дебетли

схемаси бўйича амалга оширилади.

16. Мазкур Шартнома бўйича барча ҳисоб-китоблар миллий валютада юритилади.

17. Корпоратив пластик карта, амал қилиш муддати давомида Банкнинг мулки ҳисобланади, у амал қилиш муддати тугагандан сўнг ёки алмаштирилганда ёхуд Банкнинг расмий талаби бўйича Банкка қайтарилиши лозим.

### **3-§. Томонларнинг ҳуқуқ ва мажбуриятлари**

18. Банк қўйидаги ҳуқуқларга эга:

а) Мижоз ёки унинг корпоратив пластик картадан фойдаланувчи ходими томонидан ушбу Шартнома шартлари ва корпоратив пластик картадан фойдаланиш қоидалари бузилганда корпоратив пластик картанинг амал қилишини тўхтатиш;

б) Мижоздан барча қарзларни Банкка тўлашни талаб этиш;

в) Мижоз ёки унинг корпоратив пластик картадан фойдаланувчи ходими томонидан ушбу Шартнома шартлари ва корпоратив пластик картадан фойдаланиш қоидалари бузилиши натижасида Банк қилган барча харажатларни сўзсиз ундириш;

г) Банк тарифлари ва корпоратив пластик картадан фойдаланиш қоидаларига кўшимча ва/ёки ўзгартиришларни, улар кучга киритилишидан бир ой олдин бу ҳақда тегишли ахборотни, шунингдек ушбу Шартнома юзасидан қўшимча битим лойиҳасини [www.trustbank.uz](http://www.trustbank.uz) веб-сайти ва Банк филиали биносида жойлаштириш орқали Мижозни огоҳлантириб, киритиш. Агар ушбу қўшимча ва/ёки ўзгартиришлар кучга киритиладиган санагача Мижоз томонидан имзолangan қўшимча битим ёки уни имзолашдан бош тортганлиги ҳақида ёзма хабар Банкка тақдим қилинмаса, бу ҳол Ўзбекистон Республикаси Фуқаролик кодексининг 366-моддасига мувофиқ Банк тарифлари ва корпоратив пластик картадан фойдаланиш қоидаларига киритилаётган қўшимчалар ва/ёки ўзгартиришларга Мижознинг тўла розилигини билдиради.

19. Банк қўйидаги мажбуриятларни ўз зиммасига олади:

а) Мижознинг корпоратив пластик карта маҳсус ҳисобварагини корпоратив пластик карта бўйича амалга оширилган барча транзакциялар суммасига дебетлаш;

б) Мижознинг корпоратив пластик картадан фойдаланувчи ходими корпоратив пластик карта маҳсус ҳисобварагини, тўлов топширикномасини тақдим этилган тақдирда, нақд пулсиз ўтказмалар шаклидаги барча пул тушумлари суммасига кредитлаш;

в) Мижозга унинг корпоратив пластик картадан фойдаланувчи ходимини корпоратив пластик карта маҳсус ҳисобвараги бўйича белгилangan тартибда кўчирма бериш;

г) Мижозни амалдаги Банк тарифлари билан танишириш;

д) Мижоздан корпоратив пластик картанинг йўқотилганлиги тўғрисида ариза олингандан сўнг 48 соат ичida ушбу пластик карта бўйича операциялар амалга оширилишини тўхтатиш;

е) Банк тарифларига, шунингдек корпоратив пластик карта бўйича хизматни тақдим этиш қоидаларига қўшимча ва/ёки ўзгартиришлар киритилганда, улар кучга киритилишидан бир ой олдин бу ҳақда тегишли ахборотни, шунингдек ушбу Шартнома юзасидан қўшимча битим лойиҳасини [www.trustbank.uz](http://www.trustbank.uz) веб-сайти ва Банк филиали биносида жойлаштириш орқали Мижозга хабар бериш;

ё) мазкур Шартнома бекор қилинганда Мижозга корпоратив пластик карта маҳсус ҳисобварагида қолган маблағни, унинг ёзма аризасига мувофиқ, қайтариш.

20. Мижоз қўйидаги ҳуқуқларга эга:

а) корпоратив пластик карта маҳсус ҳисобварагини нақд пулсиз ўтказиш йўли билан тўлдириш;

б) Банкдан корпоратив пластик карта маҳсус ҳисобвараги бўйича кўчирма сўраш;

в) ПИН-кодни, белгилangan тартибда, алмаштириш.

21. Мижоз ўз зиммасига қўйидаги мажбуриятларни олади:

а) ушбу Шартнома талаблари ва корпоратив пластик картадан фойдаланиш қоидаларини бажариш, шунингдек уларнинг корпоратив пластик картадан фойдаланувчи ходими томонидан бажарилишини таъминлаш;

- б) у ёки унинг корпоратив пластик картадан фойдаланувчи ходими томонидан ушбу Шартнома шартлари ва корпоратив пластик картадан фойдаланиш қоидалари бузилиши билан боғлиқ барча харажатларни тўлаш;
- в) корпоратив пластик картадан фойдаланувчи ходимини корпоратив пластик картадан фойдаланиш қоидалари билан таништириш;
- г) Банк томонидан Мижоз учун муомалага чиқарилган корпоратив пластик карталар ва Пин-кодларнинг хавфсиз етказилиши ва улардан фойдаланувчи ходимларига шахсан топширилишини таъминлаш;
- д) Банкка унинг талаби бўйича корпоратив пластик картадан фойдаланувчи ходимлари ҳақида қўшимча маълумотлар тақдим қилиш;
- е) корпоратив пластик картадан у бириктирилган ходим томонидан, корпоратив пластик карта маҳсус ҳисобварағидаги маблағ қолдиғи доирасида, унда кўрсатилган муддат давомида фойдаланилишини таъминлаш;
- ё) корпоратив пластик картадан фойдаланувчи ходимининг яшаш жойи ёки паспорт маълумотлари ўзгарганда зудлик билан Банкка хабар бериш;
- ж) корпоратив пластик карта йўқотилганлиги тўғрисида оғзаки хабар берилгандан сўнг, 24 соат ичida унинг йўқотилганлигини ёзма равишда ҳам тасдиқлаш. Йўқотилган корпоратив пластик карта топилган тақдирда, уни ишлатмасдан дархол Банкка қайтариш;
- з) корпоратив пластик картага эҳтиёж қолмаганда ёки корпоратив пластик картадан фойдаланувчи ходими ишдан бўшатилганда, ушбу картани Банкка топшириш ва унинг маҳсус ҳисобварағини ёпиш;
- и) корпоратив пластик карта орқали ўтказиладиган тўлов қийматидан Банк тарифларига мувофиқ воситачилик ҳақи тўлаш.

#### **4-§. Томонларнинг жавобгарлиги**

22. Мазкур Шартномада кўзда тутилмаган ҳолатларда томонларнинг жавобгарлиги Ўзбекистон Республикаси қонун ҳужжатлари билан тартибга солинади.
23. Банк қуидагилар учун жавобгар ҳисобланмайди:
- а) форс-мажор туфайли Банкнинг назоратида бўлмаган ҳолатда ўз мажбуриятларини бажариш имконияти бўлмаганида;
- б) Мижоз корпоратив пластик карта йўқотилганлиги ёки унинг ПИН-коди учинчи шахсга маълум эканлигига гумон қилаётганлиги тўғрисида Банкка ёзма равишда хабар бергандан сўнг, ушбу карта 48 соат давомида учинчи шахс томонидан ишлатилган тақдирда, Мижоз кўрадиган ҳар қандай молиявий зарар учун.
24. Мижоз корпоратив пластик карта йўқотилганлиги тўғрисида Банкка ёзма равишда хабар берганидан 48 соат ўтгандан сўнг, учинчи шахс томонидан ушбу карта орқали амалга оширилган барча операциялар учун жавобгарликни Банк ўз зиммасига олади.
25. Мижоз қуидагилар учун жавобгар ҳисобланади:
- а) у ёки унинг корпоратив пластик картадан фойдаланувчи ходими томонидан ушбу Шартнома шартлари ва корпоратив пластик картадан фойдаланиш қоидалари бузилганда;
- б) ПИН-код ҳақида маълумотдан бошқа шахс рухсатсиз фойдалангани ҳамда Банкка ёзма равишда ПИН-коднинг очилиши ҳақида хабар берилишигача бўлган барча транзакциялар учун;
- в) у Банкка корпоратив пластик картани ёпиш бўйича ариза билан мурожаат килганда, ушбу карта Банкка қайтарилгунга қадар ва мазкур карта орқали амалга оширилган барча транзакциялар келиб тушмагунга қадар;
- г) ушбу Шартнома бекор қилиниб, корпоратив пластик карта ўз вақтида Банкка топширилмаган тақдирда, мазкур Шартноманинг бекор қилинишигача ва ундан кейинти барча транзакциялар учун;
- д) корпоратив пластик карта маҳсус ҳисобварағи бўйича операцияларнинг, Ўзбекистон Республикаси қонун ҳужжатлари асосида, ўз вақтида ва тўғри ўтказилиши учун.

26. Томонларнинг бири ушбу Шартноманинг шартларини бажаришда Ўзбекистон Республикаси қонун ҳужжатларига амал қилмаса, иккинчи томон бунинг учун жавобгар бўлмайди.

#### **5-§. Шартноманинг амал қилиш муддати**

27. Мазкур Шартноманинг амал қилиш муддати, томонлардан бири уни бекор қилиш хақида ўз хоҳишини ёзма тарзда маълум қилмагунга қадар, чекланмаган ҳисобланади.

28. Мазкур Шартнома уни томонлар имзолаган пайтдан бошлаб кучга киради.

#### **6-§. Шартномага қўшимча ва ўзгартиришлар киритиш**

29. Шартномага киритиладиган барча қўшимча ва ўзгартиришлар томонлар ўртасида ёзма равишида келишилган бўлиши лозим, ушбу Шартнома 18-бандининг “Г” кичик бандига мувофиқ киритиладиган қўшимча ва/ёки ўзгартиришлар бундан мустасно

#### **7-§. Низоларни ҳал қилиш**

30. Барча келишмовчилик ва низоларни томонлар музокара йўли билан ҳал этади. Музакора натижасида томонлар ўзаро келишувга эриша олмаган тақдирда, низо Ўзбекистон Республикаси қонун ҳужжатларида белгиланган тартибида ҳал қилинади.

#### **8-§. Шартномани бекор қилиш**

31. Ушбу Шартнома томонлардан бирининг ташабbusи бўйича, Мижоз Банк у учун муомалага чиқарган барча корпоратив пластик карталарни қайтаргандан сўнг, бекор қилинади. Мазкур Шартнома бекор қилган тақдирда Мижоз учун муомалага чиқарилган барча корпоратив пластик карталар ўз кучини йўқотади.

32. Ушбу Шартноманинг амал қилиш муддати тугаса, томонлар ўз мажбуриятларини бажаргандан кейингина, у ўз кучини йўқотади.

33. Ушбу Шартнома имзоланган санадан бошлаб томонлар ўртасида корпоратив пластик карталарга хизмат кўрсатишга оид олдин имзолаган барча шартнома ва битимлар ўз кучини йўқотади.

#### **9-§. Якуний қоидалар**

34. Мазкур Шартнома бир хил юридик кучга эга бўлган икки нусҳада тузилди, унинг бир нусҳаси Банкда, иккинchi нусҳаси Мижозда сақланади.

35. Ушбу Шартномага мувофиқ тарзда ёки унга боғлиқ ҳолда юборилган барча хат ва хабарномалар ёзма тарзда расмийлаштирилган бўлиши шарт ва улар томонларнинг куйида кўрсатилган манзиллари бўйича буюртма хат орқали юборилган ёки шахсан етказилган ҳамда уларни олганлик тўғрисида тасдиқнома мавжуд бўлса, улар белгиланган тартибида тақдим этилган ҳисобланади.

#### **10-§. Томонларнинг почта манзили ва реквизитлари**

Банк:

Манзили: \_\_\_\_\_

Тел.: \_\_\_\_\_ Факс: \_\_\_\_\_

Банк коди: \_\_\_\_\_

Банк ҳисобварағи: \_\_\_\_\_

СТИР: \_\_\_\_\_

Бошқарувчи: \_\_\_\_\_

Мухр ўрни

Мижоз:

Манзили: \_\_\_\_\_

Тел.: \_\_\_\_\_ Факс: \_\_\_\_\_

Банк \_\_\_\_\_

Сўм ҳисобварағи \_\_\_\_\_

Банк коди: \_\_\_\_\_

СТИР: \_\_\_\_\_

Раҳбар: \_\_\_\_\_

Мухр ўрни